

हव्यदत् । जातेन जातमतिस्तत्प्रसृतं सते । यं यं युजं
 दृणुते ब्रह्मणस्पतिः । ब्रह्मणस्पते सुयमस्य विश्वहा ॥
 ॥ २ ॥

रायः स्याम रथ्यो विवस्वतः । वीरेषु वीराः उपपृङ्-
 ग्धि नस्त्वं । यदीशानो ब्रह्मणा वेषि मे हवं । सद्गजनेन
 सविशा सजन्मना । सपुत्रैर्वाजम्भरते धना नृभिः । दे-
 वानां यः पितरमाविवासति । श्रद्धामना हविषा ब्र-
 ह्मणस्पतिं । यास्ते पूषन्नावोऽन्तः । शुक्रं ते अन्यसूषे
 माश्नाशाः । प्रपथे पथामजनिष्ट पूषा ॥ ३ ॥

प्रपथे दिवः प्रपथे पृथिव्याः । उभे अभिप्रीयतम
 सधस्थे । आच पराच चरति प्रजानन् । पूषा सुबन्धु-
 दिव आ पृथिव्याः । इडस्पतिर्मघवादस्म वर्चाः । तं देवा-
 सो अददुः सूर्यायै । कामेन कृतं तव सस्वञ्च । अजा-
 श्नः पशुपावाजवस्त्यः । धियं जिन्वो विश्वे भुवनेऽर्पितः ।
 अष्टां पूषा शिथिरामुदरीवृजत् ॥ ४ ॥

सच्चक्ष्णो भुवना देवईयते । शुचीवो हव्या मरु-
 तः शुचीनां । शुचिः हि नोम्यध्वरः शुचिभ्यः । कृतेन
 सत्यमृतसाप आयन् । शुचिजन्मानः शुचयः पावकाः ।
 प्रचित्रमर्कं गृणुते तुराय । मारुताय स्वतवसे भरध्वं ।